



Eisteddfod Genedlaethol yr Urdd Caerffili a'r Cylch 2015 **Cyfleoedd Arlwyo**

Tachwedd 2014

Annwyl Gyfaill

Amgaeaf wybodaeth ynglŷn â chyfleoedd arlwyo symudol yn Eisteddfod Genedlaethol yr Urdd Caerffili a'r Cylch 2015 a gynhelir ar dir Llancaiach Fawr, Ffordd Gelligaer, Nelson CF46 6ER yn Bwrdeistref Sirol Caerffili rhwng 25 - 30 Mai 2015.

Mae'r wybodaeth amgaeedig yn rhoi gwybodaeth bellach ynglŷn â'r cyfleoedd arlwyo sydd ar gael yn yr Eisteddfod.

Mae rhai o'r unedau arlwyo ar gytundebau tair mlynedd felly ar gyfer 2015 rydym yn chwilio am arlwywyr i ddarparu'r unedau tebyg i'r isod ond heb fod yn gyfyngedig i'r rhestr isod:

- 1 x Uned Crepes
- 1 x Uned Pysgod a Sglodion
- 1 x Wrap/Pizza neu debyg
- 1 x Uned Ysgytlaeth

Wrth ystyried ceisiadau byddwn yn rhoi pwyslais ar ansawdd y cynnyrch, y gwasanaeth, prisiau rhesymol ac ar ddelwedd yr unedau. **Gan bod yr Eisteddfod yn ŵyl Gymraeg ei hiaith, mae'n ofynnol bod yr holl arwyddion a bwydlenni yn y Gymraeg a bod staff sydd yn siarad Cymraeg ar gael ar bob adeg.**

Mae'r Urdd wedi ymrwymo i gynnaladwyedd a lleihau gwastraff yn ystod wythnos yr Eisteddfod. Ceir manylion pellach yn y Canllaw Gwastraff Masnachol amgaeedig. Hoffwn hefyd eich annog i ddefnyddio nwyddau Masnach Deg a chynnig dewisiadau bwyta'n iach os yn bosib.

Os hoffech fanylion pellach, mae croeso i chi gysylltu ar y manylion isod. Dychwelwch yr amcan bris ar y ffurflen amgaeedig ynghyd ag unrhyw sylwadau drwy'r post neu e-bost i'r cyfeiriad isod erbyn dim hwyrach na **16 Ionawr 2015**.

Yn gywir,

Morys Gruffydd
Trefnydd yr Eisteddfod

Nesta Jones
Eisteddfod yr Urdd
Gwersyll yr Urdd Glan-Ilyn
Llanuwchllyn
Y Bala
Gwynedd
LL23 7ST

nesta@urdd.org
01678 541014

Ffurflen Cynnig am Gytundeb Arlwyo



Eisteddfod

Eisteddfod Genedlaethol yr Urdd

Manylion y Cwmni

Enw Cofrestredig y Cwmni: _____

Cyfeiriad: _____

_____ Côt Post _____

Enw Person Cyswllt: _____

Cyfeiriad (os yn wahanol i'r uchod): _____

_____ Côt Post _____

Rhif Ffôn _____ Ffôn Symudol _____

Cyfeiriad E-bost: _____

Enw'r Awdurdod Lleol lle mae'r cwmni wedi ei gofrestru gydag Adran Iechyd a Diogelwch yr
Amgylchedd: _____

Cynnig

Cynnig 2015 (heb gynnwys TAW) £ _____

+ Taw @ 20% £ _____

Cyfanswm: £ _____

*Ychwanegwch bwydlenni yn dangos eich prisiau a'ch cynnyrch gyda'r ddogfen hon

Yswiriant

Nodwch werth yr yswiriant:

Atebolrwydd Cyhoeddus: _____

Atebolrwydd Cyflogwr: _____

Atebolrwydd Cynnyrch (os yn berthnasol): _____

Gwybodaeth Ychwanegol

Lefel Hyfforddiant Staff: _____

Cydymffurfiaeth gyda Rheolau HACCP: _____

Amgaeaf gopi o Asesiad Risg Iechyd a Diogelwch Diweddar (Rhowch ✓) ☐

Yr Iaith Gymraeg

Drwy wneud cais am gytundeb rydych yn ymrwymo i sicrhau fod eich holl arwyddion a bwydlenni yn Gymraeg neu'n ddwyieithog a sicrhau fod siaradwyr Cymraeg yn bresennol ar yr uned arlwyo ar bob adeg.

Llofnod: _____

Dyddiad: _____

Byddwn yn gofyn am dystiolaeth ffotograffig o'r arwyddion a bwydlenni Cymraeg / dwyieithog cyn dyfarnu'r cytundeb i'r arlwywyr llwyddiannus.

Dychweler y ffurflen hon gyda chopïau o'ch bwydlenni at:

Nesta Jones
Eisteddfod yr Urdd
Gwersyll yr Urdd Glan-Ilyn
Llanuwchllyn
Y Bala
Gwynedd
LL23 7ST

nesta@urdd.org
01678 541014

Erbyn 16 Ionawr 2015 ar yr hwyraf.

GWYBODAETH AM GYTUNDEBAU ARLWYO

EISTEDDFOD GENEDLAETHOL YR URDD



Dyddiad: 25 - 30 Mai 2015

Lleoliad: Llancaiach Fawr, Ffordd Gelligaer, Nelson, Treharris. CF46 6ER

Mae'r ffigyrau canlynol yn cael eu cynnwys er mwyn rhoi arweiniad yn unig i'ch cynorthwyo i baratoi cynnig am gytundeb arlwy.

Amcan o'r nifer o ymwelwyr (wrth rheswm gall y niferoedd amrywio yn ddibynnol ar ffactorau allanol e.e. tywydd):

100,000 yn ystod yr wythnos gyda

20 – 25,000 ar Ddydd Llun

20 – 25,000 ar Ddydd Mawrth

15 – 20,000 ar Ddydd Mercher

12 – 15,000 ar Ddydd Iau

12 – 15,000 ar Ddydd Gwener

8 – 10,000 ar Ddydd Sadwrn

- Mae cystadlaethau Dydd Llun/Mawrth ar gyfer plant oedran cynradd felly mae nifer helaeth o deuluoedd gyda phlant oedran cynradd yn bresennol. Ar Ddydd Mercher i Ddydd Sadwrn mae'r cystadlaethau ar gyfer plant a phobl ifanc hyd at 25 oed.
- Dylid nodi'r atodiad '**Canllaw Gwastraff Masnachol**' - bydd yn ddisgwyliedig i bob masnachwr gydymffurfio gyda'r ddogfen yma er mwyn cynorthwyo'r Eisteddfod i leihau'r gwastraff sydd yn mynd i ganolfannau dirlenwi.
- Nid oes modd defnyddio offer trydanol ar y Maes all amharu ar systemau sain yr Eisteddfod.
- Ni chaniateir generaduron petrol ar unrhyw gyfrif.
- Rhaid i chi ein hysbysu os ydych yn bwriadu gosod y cytundebau arlwy i is-gontractwyr.
- Eich cyfrifoldeb chi yw trosglwyddo unrhyw wybodaeth a manylion cytundebol i is-gontractwyr.

Cyfleusterau a ddarparir gan yr Urdd

- Cysylltiad dŵr (cyflenwad dŵr glan addas i'w yfed)
- Cysylltiad Trydan – uchafswm cyflenwad **2 x 32amp 1 ffas** (Codir tâl ychwanegol am unrhyw ofynion sy'n fwy na hyn)
- Man gwaredu gwastraff canolog.
- Man canolog yn compownd yr Eisteddfod i gadw silindrau nwy yn unol â rheolau Iechyd a Diogelwch.
- Tocynnau mynediad i weithwyr yr unedau arlwy a man parcio cyfleus i'r brif fynedfa.

Cyfleusterau i gael eu darparu gan yr arlwywyr llwyddiannus.

- Unedau arlwygo gydag ardaloedd paratoi, storio a gweini bwyd yn ôl yr angen sydd yn cydymffurfio â'r rheolau lechyd a Diogelwch a Glendid Bwyd cyfredol.
- Unedau paratoi (e.e. cegin symudol) sy'n cyd-fynd â'r rheolau lechyd a Diogelwch a Glendid Bwyd cyfredol.
- Unedau storio bwyd addas i'r lleoliad a'r math o fwyd fydd yn cael eu storio.

Dalier Sylw:

- Dylid nodi nad oes cyfleusterau casglu dŵr budr ar Faes yr Eisteddfod ac felly fe fydd rhaid i'r unedwr gasglu unrhyw gwastraff dŵr o'r unedau uchod mewn tanciau pwrpasol wrth ochr yr uned sydd yn creu'r gwastraff. Ni chaniateir unrhyw dyllu i gladdu tanciau na phibellau o dan yr wyneb.
- Mae'n hanfodol bod staff gweini sydd yn rhugl yn yr iaith Gymraeg ar gael i ddelio gyda chwsmeriaid ac wedi derbyn hyfforddiant ar sut i drafod bwyd yn ddiogel a glendid bwyd yn unol â rheolau statudol. Fe fydd hyfforddiant sut i drin cwsmeriaid hefyd yn fantais.
Rhaid i'r holl arwyddion fod yn Gymraeg neu yn ddwyieithog gyda blaenoriaeth i'r Gymraeg.
- Bydd y wybodaeth o'r Ffurflen Tendro o'r cwmnïau llwyddiannus sef enw cofrestredig y cwmni ac enw'r Awdurdod Lleol sydd wedi archwilio'r unedau bwyd, yn cael eu trosglwyddo i Adran lechyd yr Amgylchedd Cyngor Bwrdeistref Sirol Caerffili. Bydd yr Adran yma yn sicrhau cywirdeb y wybodaeth ac o bosib yn archwilio yr unedau bwyd wrth iddynt gyrraedd y Maes ac yn ystod wythnos yr Eisteddfod.
- Mae gan Gyngor Bwrdeistref Sirol Caerffili bolisi o ganiatáu i arlwywyr fynychu digwyddiadau dim ond os oes ganddynt Sgôr Hyllendid Bwyd o 3 neu'n uwch.
- Nodwch y bydd angen talu yn llawn am eich safle **CYN** yr Eisteddfod neu ni fydd mynediad i'r Maes yn cael ei ganiatáu.

Diogelwch Tân

- Gwaherddir caniau petrol ar Faes yr Eisteddfod heblaw am danwydd petrol tu fewn i danciau pwrpasol mewn cerbydau.
- Ni ddylid gosod unrhyw ddeunydd llosgadwy (e.e. gwellt) ar y Maes ar unrhyw gyfrif.
- Dylai pob uned arlwygo ddarparu'r offer tân canlynol:

Ardal paratoi bwyd – 1 x 2kg Diffoddwr Powdwr Sych

Ardal coginio – 1 x 2kg Diffoddwr Powdwr Sych

1 x 1 medr sgwâr blanced dân (BS 6575:1985)

Ffrio dwfn – 1 x 9L Diffoddwr ewyn (*foam*) pwrpasol

1 x 1m² blanced dân ysgafn

Nwy (LPG)

- Dylid sicrhau cyn belled â fo'n bosib bod unrhyw silindrau nwy wedi cael eu lleoli yn yr awyr agored.
- Dim ond silindrau gyda "*pressure relief valve*" dylid cael eu defnyddio a rhaid sicrhau bod y silindrau wedi eu gosod yn gadarn ac yn unionsyth ac wedi gwahanu o'r cyhoedd i osgoi unrhyw ymyrraeth neu ddamwain.
- Dylai pob potel LPG gael ei gysylltu wrth ymyl yr uned arlwygo.
- Dylid sicrhau bod unrhyw silindrau LPG nad ydynt yn cael eu defnyddio wedi cael eu storio yn yr awyr agored ac yn ddigon pell o ffynonellau tân. Dylid gosod arwyddion priodol i nodi'r perygl.

- Dylid sicrhau cyflenwad digonol o silindrau nwy am yr wythnos heb fod yn fwy na 200kg. Bydd gan yr Urdd gawell pwrpasol i storio unrhyw silindrau nwy yn ddiogel.

Ni chaniateir alcohol ar y Maes i'w werthu, fel gwobr raffl nac at ddefnydd personol. Bydd trwydded i werthu alcohol gyda bwyd mewn bwyty a reolir gan Llancaiaach Fawr, ond ni chaniateir gwerthu alcohol i yfed mewn unrhyw fan arall ar y Maes.

Gobaith yr Urdd yw y bydd arlwywyr yn defnyddio cymaint o gynnyrch Masnach Deg â phosib. Mi fyddwn yn edrych yn ffafriol ar arlwywyr sydd yn defnyddio cynnyrch Masnach Deg. Mae'r Urdd hefyd yn awyddus bod yr unedau arlwygo yn defnyddio cymaint o gynnyrch o Gymru a phosib ac hefyd yn rhoi pwyslais ar 'fwyta'n iach'. Yn ogystal Castell Howell yw un o brif gefnogwyr yr Eisteddfod ac felly mae'n ddisgwyliedig i'r arlwywyr ddefnyddio Castell Howell fel cyflenwr os yn addas. Mae'r Urdd yn cadw'r hawl i ofyn i arlwywyr am dystiolaeth pam nad ydynt yn defnyddio Castell Howell fel cyflenwr.

Nid oes hawl gan un o'r unedau arlwygo symudol werthu hufen iâ gan fod proses tendro ar wahân. Os ydych am gynnig am y cytundeb i werthi hufen iâ cysylltwch â Swyddfa'r Eisteddfod er mwyn cael y wybodaeth berthnasol.

Bydd Caffi Mistar Urdd (caffi hunan – wasanaeth) yn gwerthu bwydydd megis byrgers, selsig, tatws pob, pysgod a sglodion, cyri, salad a brechdanau a diodydd poeth ac oer ac ati. Bydd bwyty 'carferi' yn cael ei redeg gan Llancaiaach Fawr lle gellir prynu alcohol gyda phryd o fwyd.

Mae amryw o unedau arlwygo ar gytundeb tair mlynedd. Mae'r unedau arlwygo symudol ychwanegol rydym yn chwilio amdanynt yn debygol o gynnwys unedau tebyg i'r isod ond heb fod yn gyfyngedig i'r rhestr isod:

- 1 x Uned Crepes
- 1 x Uned Pysgod a Sglodion
- 1 x Wrap/Pitsa neu debyg
- 1 x Uned Ysgytlaeth

Mae proses dendro ar wahân ar gyfer 4 x Uned Hufen Ia. Cysylltwch â nesta@urdd.org am fanylion.

CANLLAW GWASTRAFF MASNACHOL



Eisteddfod Genedlaethol Urdd Gobaith Cymru

Eisteddfod

Mae'r Urdd wedi ymrwymo i gefnogi cynlluniau cynaladwyedd ac ailgylchu ac yn unol â hyn, disgwylir i unedwyr ac arlwywyr ddilyn y canllawiau canlynol.

Mae'n **rhaidd** i arlwywyr ddefnyddio pecynnau bwyd a diod bioddiraddadwy, neu becynnau y gellir eu hailgylchu. Ni chaniateir offer tafladwy, polystyren na phecynnau na ellir eu hailgylchu.

Ni chaiff masnachwyr nac arlwywyr ddefnyddio biniau ailgylchu a gwastraff y cyhoedd er mwyn osgoi gorlenwi biniau ailgylchu cyhoeddus yn rhy sydyn.

Bydd arlwywyr yn derbyn bagiau ailgylchu a chesglir y gwastraff a gynhyrchir o'r biniau ailgylchu.

Bagiau Gwastraff Bwyd

- Gwastraff bwyd YN UNIG – dim cig amrwd
- DIM, plastig, metel, olew, platiau, cwpanau a hambyrddau papur, offer bwyta pren neu bolystyren
- Mae'n rhaid mynd â'r defnyddiau hyn i'r man casglu canolog.

Bagiau Ailgylchu

- Poteli plastig/ cwpanau a chaniau bwyd / diod. Dylech wneud yn siŵr eu bod yn lân ac yn sych cyn eu rhoi yn y bagiau pwrpasol.
- DIM deunydd lapio plastig
- Dylid rhoi bagiau ailgylchu yn y sgip pwrpasol ar ddiwedd pob diwrnod. Lleolir y sgip yn y man casglu canolog.

Cardfwrdd

- Cywasgwch unrhyw ddeunydd cardfwrdd a'u rhoi yn y sgip gardfwrdd yn y man casglu canolog. PEIDIWCH â rhoi defnyddiau lapio plastig gyda'r cardfwrdd.

Olew Coginio

Cyfrifoldeb yr arlwywr yw gwaredu unrhyw wastraff olew coginio. Os hoffech i gontractwyr rheoli gwastraff wneud hyn ar eich rhan, bydd angen cysylltu gyda Swyddfa'r Eisteddfod.

Bagiau Du

Mae'n rhaid rhoi unrhyw ddefnyddiau na ellir eu rhoi yn y bagiau gwastraff bwyd neu ailgylchu mewn bagiau du a'u gosod yn y sgip gwastraff masnachol yn y man casglu canolog.

Cysylltwch â Swyddfa'r Eisteddfod i gael mwy o wybodaeth am ailgylchu.